

Cyngor Sir Ceredigion

ADRODDIAD I'R: Pwyllgor Llywodraethu ac Archwilio

DYDDIAD: 3 Mehefin 2021

LLEOLIAD: Trwy fideogynadledda

TEITL: **Adroddiad diweddarau am newidiadau sy'n effeithio ar y Pwyllgor Llywodraethu ac Archwilio yn unol â Deddf Llywodraeth Leol ac Etholiadau (Cymru) 2021**

PWRPAS YR ADRODDIAD: Rhoi diweddariad i'r Pwyllgor am newidiadau sy'n effeithio ar y Pwyllgor yn unol â Deddf Llywodraeth Leol ac Etholiadau (Cymru) 2021 ac am diweddariadau i'r Cyfansoddiad, a rhoi gwybod i'r Pwyllgor am y gofynion am i Gyd-bwyllgor Corfforedig y Canolbarth sefydlu Is-bwyllgor Llywodraethu ac Archwilio

CEFNDIR:

Ar 24 Chwefror 2021, cyflwynwyd adroddiad i'r Pwyllgor Archwilio am Ddeddf Llywodraeth Leol ac Etholiadau (Cymru) 2021 ('Deddf 2021')

(gweler y Ddeddf yn <https://www.legislation.gov.uk/cy/asc/2021/1/contents/enacted/welsh>).

Roedd yr adroddiad hwnnw'n amlinellu manylion y newidiadau a gyflwynwyd gan Ddeddf 2021 sy'n effeithio ar y Pwyllgor.

(Gweler yr adroddiad yn:

[http://www.ceredigion.gov.uk/cpdl/Democratic_Services_Meetings_Public/B%20LG%20and%20Elections%20combined%20\(c\).pdf](http://www.ceredigion.gov.uk/cpdl/Democratic_Services_Meetings_Public/B%20LG%20and%20Elections%20combined%20(c).pdf) a'r cofnodion drafft sy'n cynnwys y camau y cytunwyd i'w cymryd yn: <https://www.ceredigion.gov.uk/media/8730/audit-24021-final-s.pdf>.)

Cyflwynwyd yr adroddiad am Ddeddf 2021 a'r newidiadau sy'n effeithio ar y Pwyllgor Archwilio i'r Cyngor ar 18 Mawrth 2021, ac fe benderfynodd y Cyngor wneud yr hyn a ganlyn:

- (a) Nodi cynnwys yr adroddiad, a'r dyddiadau gweithredu perthnasol;
- (b) Nodi a chymeradwyo newid enw'r Pwyllgor Archwilio i'r Pwyllgor Llywodraethu ac Archwilio, a'r swyddogaethau perfformiad a chwynion ychwanegol sy'n weithredol o 1 Ebrill 2021;
- (c) Cymeradwyo cychwyn y broses recriwtio ar gyfer aelodau (lleyg) annibynnol i'r Pwyllgor Archwilio a Llywodraethu;
- (d) Cymeradwyo'r cynigion ar gyfer Panel Dethol y Rhestr Fer;
- (e) Cymeradwyo'r Disgrifiad Rôl a Manyleb y Person i recriwtio aelodau (lleyg) annibynnol i'r Pwyllgor Llywodraethu ac Archwilio.

(Gweler yr adroddiad yn:

http://www.ceredigion.gov.uk/cpdl/Democratic_Services_Meetings_Public/I%20-%20Newidiadau%20i'r%20Pwyllgor%20Archwilio%20yn%20unol%20a%20Deddf%20Llywodr

[aeth%20Leol%20ac%20Etholiadau%20\(Cymru\)%202021.pdf](#) a chofnodion drafft cyfarfod y Cyngor yn:
<https://www.ceredigion.gov.uk/media/8975/cofnodion-ddrafft-18032021-saesneg-final.pdf>.)

Y sefyllfa ar hyn o bryd

Y Cyfansoddiad

Mae Gweithgor Trawsbleidiol y Cyngor ar y Cyfansoddiad yn cyfarfod yn rheolaidd i ystyried unrhyw newidiadau y mae angen eu gwneud i'r Cyfansoddiad, cyn cynnig y newidiadau hynny i'r Cyngor eu cymeradwyo.

Ymhlith y newidiadau a drafodwyd ac a gymeradwywyd gan y Gweithgor ar y Cyfansoddiad mewn cyfarfod a gynhaliwyd ar 19 Ebrill 2021 o ran y Pwyllgor Llywodraethu ac Archwilio roedd:

- (a) Diweddaru'r cyfeiriadau at y 'Pwyllgor Archwilio' i'r 'Pwyllgor Llywodraethu ac Archwilio' drwy'r Cyfansoddiad;
 - (b) Cynnwys dyletswyddau/swyddogaethau newydd y Pwyllgor yn y Cyfansoddiad, gan gynnwys paratoi testun i'w gynnwys yn y Cyfansoddiad ym mis Mai 2022, sef y dyddiad y bydd y dyletswyddau o ran yr asesiadau o berfformiad gan banel yn cychwyn;
 - (c) Paratoi testun i'w gynnwys yn y Cyfansoddiad o ran y newidiadau i aelodaeth y Pwyllgor (gan gynnwys newidiadau i'r Cadeirydd/Is-gadeirydd);
 - (d) Nodi gweithdrefn bleidleisio'r Pwyllgor yn glir yn y Cyfansoddiad (bydd angen ei hystyried ymhellach, gan gynnwys gan Bwyllgor y Gwasanaethau Democrataidd).
- (Gweler **Atodiad 1(a)** i **(f)** – newidiadau drafft i'r Cyfansoddiad.)

Recriwtio aelodau lleyg

Yng nghyfarfod y Pwyllgor Archwilio ar 24 Chwefror 2021, cytunwyd i ddechrau ar y broses o recriwtio aelodau lleyg. Cadarnhawyd aelodau'r panel i ddethol y rhestr fer, ac mae'r broses recriwtio wedi dechrau, gan gynnwys hysbysebu'r swyddi (a bwriedir cynnal cyfweiliadau ar 27 Mai 2021). Felly, mae'r broses recriwtio ar y trywydd iawn i fodloni'r amserlen recriwtio arfaethedig (gweler yr amserlen sydd wedi'i hatodi at yr adroddiad i'r Cyngor uchod). Rhoddir diweddariad pellach maes o law.

Rheoliadau Cyd-bwyllgor Corfforedig y Canolbarth 2021 – Is-bwyllgor Llywodraethu ac Archwilio

Gofynnir hefyd i'r Pwyllgor Llywodraethu ac Archwilio nodi bod endidau cyfreithiol a elwir yn gyd-bwyllgorau corfforedig yn cael eu sefydlu o dan Ran 5 o Ddeddf 2021 ac y byddant yn cyflogi staff, yn cyfethol aelodau ac yn cael eu cyllidebau eu hunain.

Daeth Rheoliadau Cyd-bwyllgorau Corfforedig (Cyffredinol) (Cymru) 2021 ('y Rheoliadau Cyffredinol') i rym ar 1 Ebrill 2021, ac maent yn cyflwyno nifer o ddarpariaethau o ran trefniadau gweinyddol a threfniadau llywodraethu cyffredinol y cyd-bwyllgorau corfforedig a sefydlir o dan Ran 5 o Ddeddf 2021. (Gweler y Rheoliadau Cyffredinol yn:

<https://www.legislation.gov.uk/cy/wsi/2021/327/made/welsh>.

Gweler Memorandwm Esboniadol y Rheoliadau Cyffredinol yn:

<https://senedd.cymru/media/j5dgem0y/sub-ld14143-em-w.pdf>.)

Cynhaliwyd ymgynghoriad ynghylch y Rheoliadau drafft i sefydlu cyd-bwyllgorau corfforedig, a'r drefn reoleiddio ehangach y bwriedir iddi fod yn berthnasol i'r cyd-bwyllgorau corfforedig.

Bydd y cyd-bwyllgorau corfforedig yn gallu arfer swyddogaethau o ran llunio cynlluniau datblygu strategol a chynlluniau trafnidiaeth rhanbarthol, a byddant hefyd yn gallu mynd ati i hybu llesiant economaidd eu hardaloedd.

Mae Rheoliadau Cyd-bwyllgor Corfforedig y Canolbarth 2021 ('Rheoliadau Sefydlu Cyd-bwyllgor Corfforedig y Canolbarth') (gweler y Rheoliadau yn <https://www.legislation.gov.uk/cy/wsi/2021/342/made> a'r Memorandwm Esboniadol yn <https://senedd.cymru/media/qmmd2or1/sub-ld14137-em-w.pdf>) wedi sefydlu Cyd-bwyllgor Corfforedig y Canolbarth sy'n cynnwys aelodau o Gyngor Sir Ceredigion, Cyngor Sir Powys ac Awdurdod Parc Cenedlaethol Bannau Brycheiniog.

Daeth Rheoliadau Sefydlu Cyd-bwyllgor Corfforedig y Canolbarth i rym ar 1 Ebrill 2021, ac eithrio rheoliadau 11, 12, 13 a 15 a fydd yn dod i rym ar 30 Mehefin 2022. Mae rheoliadau 11-13 yn ymwneud â'r swyddogaethau (gweler uchod) a roddir i Gyd-bwyllgor Corfforedig y Canolbarth ac mae rheoliad 15 yn caniatáu iddynt ddirprwyo swyddogaethau i is-bwyllgor.

Rhaid i'r cyd-bwyllgorau corfforedig bennu eu cyllidebau cyntaf erbyn mis Ionawr 2022, a rhaid iddynt ymgymryd â'r swyddogaethau newydd erbyn mis Mai 2022.

Gofynnir i'r Pwyllgor nodi'r paragraffau a ganlyn o'r Atodlen i Reoliadau Sefydlu Cyd-bwyllgor Corfforedig y Canolbarth ('yr Atodlen'):

Mae **paragraff 16** yn cadarnhau bod rhaid i Gyd-bwyllgor Corfforedig y Canolbarth sefydlu is-bwyllgor (a elwir yn is-bwyllgor llywodraethu ac archwilio) i:

- (a) adolygu materion ariannol Cyd-bwyllgor Corfforedig y Canolbarth a chraffu arnynt;
- (b) llunio adroddiadau a chyflwyno argymhellion mewn perthynas â materion ariannol Cyd-bwyllgor Corfforedig y Canolbarth;
- (c) adolygu ac asesu trefniadau Cyd-bwyllgor Corfforedig y Canolbarth ar gyfer rheoli risg, rheolaeth fewnol a llywodraethu corfforaethol;
- (d) llunio adroddiadau a chyflwyno argymhellion i Gyd-bwyllgor Corfforedig y Canolbarth ar ddigonolrwydd ac effeithiolrwydd y trefniadau hynny;
- (e) goruchwyllo trefniadau archwilio mewnol ac allanol Cyd-bwyllgor Corfforedig y Canolbarth;
- (f) adolygu unrhyw ddatganiadau ariannol a lunnir gan Gyd-bwyllgor Corfforedig y Canolbarth;
- (g) arfer unrhyw swyddogaethau eraill a bennir gan Gyd-bwyllgor Corfforedig y Canolbarth.

Mae **paragraff 16(2)** hefyd yn cadarnhau bod rhaid i Gyd-bwyllgor Corfforedig y Canolbarth, pan fydd yn penodi aelodau'r is-bwyllgor llywodraethu ac archwilio, sicrhau—

- (a) bod o leiaf un aelod o'r is-bwyllgor yn berson nad yw'n aelod o gyngor sir, nac o gyngor bwrdeistref sirol, yng Nghymru,
- (b) y cyfansoddir o leiaf ddau draean o'r aelodaeth gan aelodau o'r cynghorau cyfansoddol (ond nid aelodau o weithrediaethau'r cynghorau cyfansoddol), ac
- (c) nad yw unrhyw un o aelodau o'r is-bwyllgor—
 - (i) yn aelod cyngor,
 - (ii) yn gyfranogwr cyfetholedig, nac
 - (iii) yn aelod o weithrediaethau'r cynghorau cyfansoddol.

Mae **paragraff 16(3)** yn datgan mai ystyr 'cyfranogwr cyfetholedig' yw person a gyfetholir—

- (a) yn aelod o is-bwyllgor ac eithrio'r is-bwyllgor llywodraethu ac archwilio, neu

(b) i gyfranogi yng ngweithgareddau Cyd-bwyllgor Corfforedig y Canolbarth ac eithrio gweithgareddau'r is-bwyllgor llywodraethu ac archwilio.

Mae **paragraff 16(4)** o'r Atodlen yn datgan na chaiff yr is-bwyllgor llywodraethu ac archwilio arfer ei swyddogaethau os yw aelodaeth yr is-bwyllgor yn torri gofynion is-baragraff (2), ac mae **paragraff 16(5)** o'r Atodlen yn datgan bod rhaid i'r rheolau sefydlog gynnwys darpariaeth sy'n rheoleiddio dull yr is-bwyllgor llywodraethu ac archwilio o arfer ei swyddogaethau.

Bydd Cyd-bwyllgor Corfforedig y Canolbarth yn pennu aelodaeth ei Is-bwyllgor Llywodraethu ac Archwilio maes o law, a bydd y Pwyllgor yn cael gwybod am hyn. Disgwylir y gall rhai o aelodau Pwyllgor Llywodraethu ac Archwilio'r Cyngor fod yn aelodau o'r is-bwyllgor.

A gyflawnwyd Asesiad Effaith

Integredig? Naddo

Os na, rhowch reswm

Crynodeb: *Nid yw'r adroddiad hwn yn ymwneud â newid i bolisi na strategaeth.*

Hirdymor:

Bydd Deddf Llywodraeth Leol ac Etholiadau (Cymru) 2021 a rheoliadau amrywiol a wneir yn ei sgil yn effeithio ar anghenion yn y tymor byr a'r tymor hir pan fydd deddfwriaeth newydd yn cael ei chyflwyno. Felly, mae'r Pwyllgor Llywodraethu ac Archwilio yn cael cyfle i ystyried deddfwriaeth o'r fath a'i heffeithiau.

Integreiddio:

Annog cyfrifoldeb byd-eang o ran y cyfle i ystyried deddfwriaeth newydd (mae llesiant economaidd hefyd yn berthnasol i'r cyd-bwyllgorau corfforedig newydd o dan Ddeddf Llywodraeth Leol ac Etholiadau (Cymru) 2021).

Cydweithio:

Cydweithio â Llywodraeth Cymru a rhanddeiliaid.

Cynnwys:

Amherthnasol o safbwynt y Cyngor, ond gall fod yn berthnasol i Lywodraeth Cymru o ran cynnwys yn yr ymgynghoriad unigolion a chanddynt ddiddordeb yn y nodau llesiant.

Atal:

O gael cyfle i ystyried deddfwriaeth newydd, gall arwain at newidiadau cadarnhaol i drefniadau llywodraethu, atal problemau rhag gwaethygu a helpu cyrff cyhoeddus i gyflawni amcanion llesiant drwy wella eu perfformiad a'u trefniadau llywodraethu.

**LLESIANT
CENEDLAETHAU'R
DYFODOL:**

ARGYMHELLIAD:

Bod y Pwyllgor yn nodi:

- 1) gofynion Deddf Llywodraeth Leol ac Etholiadau (Cymru) 2021 sy'n effeithio ar y Pwyllgor, gan gynnwys newidiadau arfaethedig i'r Cyfansoddiad;
- 2) y broses sy'n mynd rhagddi i recriwtio aelodau lleyg i'r Pwyllgor;
- 3) y gofyniad am i Gyd-bwyllgor Corfforedig y Canolbarth sefydlu Is-bwyllgor Llywodraethu ac Archwilio.

RHESWM DROS YR ARGYMHELLIAD: Monitro trefniadau llywodraethu'r Awdurdod Lleol yn unol â newidiadau deddfwriaethol.

Enw cyswllt: Elin Prysor
Swydd: Y Swyddog Arweiniol Corfforaethol: Cyfreithiol a Llywodraethu, a'r Swyddog Monitro

Acronymau: Amherthnasol
Dyddiad yr adroddiad: 6/5/2021

Atodiadau: **Atodiad 1(a) i (f):** dyfyniad o'r Cyfansoddiad

Papurau cefndir: Adroddiad i'r Pwyllgor Archwilio ar 24 Chwefror 2021:
[http://www.ceredigion.gov.uk/cpdl/Democratic_Services_Meetings_Public/B%20LG%20and%20Elections%20combined%20\(c\).pdf](http://www.ceredigion.gov.uk/cpdl/Democratic_Services_Meetings_Public/B%20LG%20and%20Elections%20combined%20(c).pdf)
Cofnodion drafft y cyfarfod a gynhaliwyd ar 24 Chwefror 2021:
<https://www.ceredigion.gov.uk/media/8730/audit-24021-final-s.pdf>
Adroddiad i'r Cyngor ar 18 Mawrth 2021:
[http://www.ceredigion.gov.uk/cpdl/Democratic_Services_Meetings_Public/I%20-%20Newidiadau%20i'r%20Pwyllgor%20Archwilio%20yn%20unol%20a%20Deddf%20Llywodraeth%20Leol%20ac%20Etholiadau%20\(Cymru\)%202021.pdf](http://www.ceredigion.gov.uk/cpdl/Democratic_Services_Meetings_Public/I%20-%20Newidiadau%20i'r%20Pwyllgor%20Archwilio%20yn%20unol%20a%20Deddf%20Llywodraeth%20Leol%20ac%20Etholiadau%20(Cymru)%202021.pdf)
Cofnodion drafft cyfarfod y Cyngor a gynhaliwyd ar 18 Mawrth 2021:
<https://www.ceredigion.gov.uk/media/8975/cofnodion-ddrafft-18032021-saesneg-final.pdf>

Pwerau statudol: Deddf Llywodraeth Leol ac Etholiadau (Cymru) 2021:
<https://www.legislation.gov.uk/cy/asc/2021/1/enacted/welsh>
Rheoliadau Cyd-bwyllgorau Corfforedig (Cyffredinol) (Cymru) 2021:
<https://www.legislation.gov.uk/cy/wsi/2021/327/made/welsh>
Memorandwm Esboniadol ar gyfer Rheoliadau Cyd-bwyllgorau Corfforedig (Cyffredinol) (Cymru) 2021:
<https://senedd.cymru/media/j5dgem0y/sub-ld14143-em-w.pdf>
Rheoliadau Cyd-bwyllgor Corfforedig y Canolbarth 2021:
<https://www.legislation.gov.uk/wsi/2021/342/made/welsh>
Memorandwm Esboniadol ar gyfer Rheoliadau Cyd-bwyllgor Corfforedig y Canolbarth 2021:
<https://senedd.cymru/media/qmmd2or1/sub-ld14137-em-w.pdf>

RHAN 2

ERTHYGLAU'R CYFANSODDIAD

9.2 PWYLLGOR LLYWODRAETHU AC ARCHWILIO

Mae gan y Cyngor Bwyllgor Llywodraethu ac Archwilio yn unol â Mesur Llywodraeth Leol (Cymru) 2011 (fel y'i diwygiwyd), Rheoliadau Cyfrifon ac Archwilio (Cymru) 2014 a Rheoliadau Cyfrifon ac Archwilio (Cymru) (Diwygio) 2018.

9.2.1 RÔL A SWYDDOGAETH Y PWYLLGOR LLYWODRAETHU AC ARCHWILIO

Mae gan y Pwyllgor Llywodraethu ac Archwilio'r rolau a'r swyddogaethau a ganlyn yr ymhelaethir arnynt yng nghylch gorchwyl y Pwyllgor Llywodraethu ac Archwilio yn Rhan 3.3 (Tabl 3):

- 9.2.1.1 Rhoi ffocws annibynnol lefel uchel ar drefniadau'r Cyngor o ran archwilio, sicrwydd ac adrodd;
- 9.2.1.2 Mynd ati'n annibynnol i adolygu materion sy'n ymwneud â llywodraethu da, goruchwyliaeth ariannol, rheoli risgiau, gweithdrefnau/trin cwynion, a rheolaeth fewnol o ran y modd y mae gwasanaethau a swyddogaethau'r Cyngor yn cael eu rhoi ar waith, a rhoi cyngor i'r Cyngor a'r Cabinet, a'u Pwyllgorau a'u Swyddogion, yn eu cylch;
- 9.2.1.3 Sicrhau bod systemau llywodraethu a rheolaeth fewnol y Cyngor yn effeithiol, gan gynnwys y trefniadau i sicrhau gwerth am arian, i gefnogi safonau a moeseg, ac i reoli'r graddau y mae'r awdurdod yn agored i risgiau twyll a llygredd, a sicrhau bod gwasanaethau archwilio mewnol y Cyngor yn gweithredu yn unol â'r gweithdrefnau y cytunwyd arnynt;
- 9.2.1.4 Adolygu adroddiadau ac argymhellion sy'n ymwneud â materion ariannol y Cyngor, craffu arnynt a chyhoeddi adroddiadau yn eu cylch;
- 9.2.1.5 Adolygu adroddiadau ac argymhellion sy'n ymwneud â phriodoldeb trefniadau'r Cyngor o ran rheoli risgiau, rheolaeth fewnol a llywodraethu corfforaethol, craffu arnynt a chyhoeddi adroddiadau yn eu cylch;
- 9.2.1.6 Goruchwyllo trefniadau archwilio mewnol ac allanol y Cyngor a pherthynas y Cyngor â rheoleiddwyr eraill, gan gynnwys cefnogi cysylltiadau effeithiol rhwng y gwasanaethau archwilio mewnol ac allanol, adolygu barn yr archwilydd allanol a'i adroddiadau i'r aelodau, a monitro'r camau a gymerir gan y rheolwyr yn sgil y materion a godir gan yr archwilydd allanol;
- 9.2.1.7 Goruchwyllo adroddiadau ariannol y Cyngor ac adolygu ei ddatganiadau ariannol;

9.2.1.8 Adolygu ac asesu hunanasesiad blynyddol drafft y Cyngor a'i ymateb drafft i unrhyw adroddiad gan yr Archwilydd Cyffredinol;

9.2.1.9 Ymlynu wrth drefniadau atebolrwydd, gan gynnwys adrodd am drefniadau a pherfformiad y Pwyllgor Llywodraethu ac Archwilio, a chyhoeddi adroddiad blynyddol am waith y Pwyllgor.

9.2.2 CYFANSODDIAD Y PWYLLGOR LLYWODRAETHU AC ARCHWILIO

9.2.2.1 Aelodaeth y Pwyllgor Llywodraethu ac Archwilio

Ar hyn o bryd, mae aelodaeth y Pwyllgor Llywodraethu ac Archwilio yn cynnwys chwe Chynghorydd Sir ac un Aelod Lleyg.

9.2.2.2 Cadeirio'r Pwyllgor Llywodraethu ac Archwilio

Ar hyn o bryd, mae Cadeirydd ac Is-gadeirydd y Pwyllgor Llywodraethu ac Archwilio yn Gynghorwyr Sir sy'n aelodau o Grŵp yr Wrthblaid.

9.2.3 Cworwm

Ni fydd gan gyfarfod o'r Pwyllgor Llywodraethu ac Archwilio gworwm oni fydd o leiaf dri aelod yn bresennol.

RHAN 2

ERTHYGLAU'R CYFANSODDIAD

ERTHYGL 9 – Y PWYLLGOR MOESEG A SAFONAU A'R PWYLLGOR LLYWODRAETHU AC ARCHWILIO

....

9.19.2 Y PWYLLGOR LLYWODRAETHU AC ARCHWILIO

...

- 9.2.1.8 Adolygu ac asesu hunanasesiad blynyddol drafft y Cyngor, [yr asesiad o berfformiad gan banel](#) -a'r ymateb drafft i unrhyw adroddiad gan yr Archwilydd Cyffredinol; ac
- 9.2.1.9 Ymlynu wrth drefniadau atebolrwydd, gan gynnwys adrodd am drefniadau a pherfformiad y Pwyllgor Llywodraethu ac Archwilio, a chyhoeddi adroddiad blynyddol am waith y Pwyllgor.

9.2.2 CYFANSODDIAD Y PWYLLGOR LLYWODRAETHU AC ARCHWILIO

9.2.2.1 Aelodaeth y Pwyllgor Llywodraethu ac Archwilio

[Mae aelodaeth y Pwyllgor Llywodraethu ac Archwilio yn cynnwys yr aelodau a ganlyn:](#)

[9.2.2.1.1 Mae o leiaf draean o'r aelodau yn 'aelodau lleyg'. At ddibenion aelodaeth y Pwyllgor Llywodraethu ac Archwilio, ystyr aelod lleyg yw unigolyn nad yw'n aelod nac yn swyddog o unrhyw awdurdod lleol, nad yw, ar unrhyw adeg yn ystod cyfnod o ddeuddeg mis sy'n dod i ben ar y dyddiad y penodir yr unigolyn hwnnw, wedi bod yn aelod nac yn swyddog o unrhyw awdurdod lleol, ac nad yw'n briod nac yn bartner sifil i unrhyw aelod na swyddog o unrhyw awdurdod lleol, fel y'i diffinnir gan Ddeddf Llywodraeth Leol ac Etholiadau \(Cymru\) 2021 a Mesur Llywodraeth Leol \(Cymru\) 2011 \(fel y'i diwygiwyd\) ac unrhyw ddeddfwriaeth gysylltiedig; a](#)

[9.2.2.1.2 Mae gweddill yr aelodaeth yn Gynghorwyr Sir.](#)

9.2.2.2 Cadeirio'r Pwyllgor Llywodraethu ac Archwilio

[Mae'r Pwyllgor Llywodraethu ac Archwilio yn dewis ei Gadeirydd a'i Is-gadeirydd a:](#)

- 9.2.2.2.1 Bydd Cadeirydd y Pwyllgor Llywodraethu ac Archwilio yn aelod lleyg.
- 9.2.2.2.2 Ni fydd Is-gadeirydd y Pwyllgor Llywodraethu ac Archwilio yn aelod o weithrediaeth y Cyngor nac yn gynorthwydd i'w weithrediaeth.
- 9.2.2.2.3 Bydd cyfarfodydd y Pwyllgor Llywodraethu ac Archwilio yn cael eu cadeirio gan Gadeirydd y Pwyllgor, neu os na fydd y Cadeirydd yn bresennol, gan ei Is-gadeirydd. Os na fydd y Cadeirydd na'r Is-gadeirydd yn bresennol, caiff y Pwyllgor Llywodraethu ac Archwilio benodi aelod o'r Pwyllgor nad yw'n aelod o weithrediaeth y Cyngor nac yn gynorthwydd i'w weithrediaeth i gadeirio'r cyfarfod.

Atodiad 1(c) Dyfyniad o'r newidiadau drafft i Ran 3 Erthyglau'r Cyfansoddiad

RHAN 3

CYFRIFOLDEB DROS SWYDDOGAETHAU'R CYNGOR

...

Pwyllgor	Swyddogaethau	Dirprwyo Swyddogaethau
Pwyllgor <u>Llywodraethu ac Archwilio</u> (6 Chynghorydd Sir ac 1 Aelod Lleyg)	<p>Pwyllgor <u>Llywodraethu ac Archwilio</u> – Cylch Gorchwyl 2018</p> <p><u>Datganiad o Ddiben</u></p> <ol style="list-style-type: none">1. Mae'r Pwyllgor <u>Llywodraethu ac Archwilio</u> yn elfen allweddol o fframwaith llywodraethu corfforaethol y Cyngor. Mae'n darparu ffocws annibynnol o'r lefel uchaf ar y trefniadau archwilio, sicrwydd ac adrodd sy'n sail i lywodraethu a safonau ariannol da.2. Diben y Pwyllgor <u>Llywodraethu ac Archwilio</u> yw rhoi sicrwydd annibynnol i'r Cyngor llawn a rheoli digonolrwydd y fframwaith rheoli risgiau a'r amgylchedd rheoli mewnol. Mae'n darparu adolygiad annibynnol o fframweithiau llywodraethu, rheoli risgiau a rheolaeth y Cyngor ac mae'n goruchwyllo'r prosesau adrodd ariannol a'r prosesau llywodraethu blynyddol. Mae'n goruchwyllo archwilio mewnol ac archwilio allanol, gan helpu i sicrhau bod trefniadau sicrwydd effeithlon ac effeithiol wedi'u rhoi ar waith. <p><u>Llywodraethu a rheoli risgiau</u></p> <ol style="list-style-type: none">3. Cael trosolwg o Gyfansoddiad y Cyngor o ran y canlynol: Rheolau Gweithdrefn Contractau, Rheoliadau Cyllid a'r Cod Ymddygiad.4. Adolygu trefniadau llywodraethu corfforaethol y Cyngor yn erbyn y fframwaith llywodraethu, gan gynnwys y fframwaith moesegol ac ystyried y cod llywodraethu lleol.5. Adolygu'r Datganiad Llywodraethu Blynyddol cyn iddo gael ei gymeradwyo ac ystyried a yw'n adlewyrchu'r amgylchedd risgiau a sicrwydd ategol yn briodol, gan gymryd i ystyriaeth farn archwilio mewnol ar	Dim

	<p>ddigonolrwydd ac effeithiolrwydd cyffredinol fframwaith y cyngor ar gyfer llywodraethu, rheoli risgiau a rheolaeth.</p> <ol style="list-style-type: none"> 6. Ystyried trefniadau'r Cyngor ynghylch sicrhau gwerth am arian gan adolygu'r sicrwydd a'r asesiadau ar effeithiolrwydd y trefniadau hyn. 7. Ystyried fframwaith y Cyngor o ran sicrwydd a sicrhau ei fod yn mynd i'r afael â risgiau a blaenoriaethau'r Cyngor yn ddigonol. 8. Monitro datblygiad a gweithrediad effeithiol trefniadau rheoli risgiau yn y Cyngor. 9. Monitro'r cynnydd a wneir wrth fynd i'r afael â materion sy'n gysylltiedig â risgiau sy'n cael eu hadrodd i'r pwyllgor. 10. Ystyried adroddiadau ynghylch effeithiolrwydd y rheolaethau mewnol a rhoi'r camau gweithredu y cytunwyd arnynt ar waith. 11. Adolygu'r asesiad o'r risgiau sy'n gysylltiedig â thwyll a'r niwed posibl i'r Cyngor o ran twyll a llygredd. 12. Monitro'r strategaeth atal twyll, y camau gweithredu a'r adnoddau 13. Adolygu'r trefniadau llywodraethu a sicrwydd o ran partneriaethau neu gydweithio sylweddol, lle bo hynny'n berthnasol. 14. Ystyried y Gofrestr Risgiau Gorfforaethol <u>15. Ystyried Adroddiad Gwella Blynyddol y Cyngor.</u> <u>16. Adolygu ac asesu'r asesiad o berfformiad gan banel y Cyngor.</u> <u>17. Ystyried Adroddiad Hunanasesu blynyddol drafft y Cyngor gan wneud argymhellion ar gyfer newid.</u> <u>18. -</u> <p><u>Archwilio Mewnol</u></p> <p><u>16-18.</u> Cymeradwyo'r Siarter Archwilio Mewnol.</p> <p><u>17-19.</u> Ystyried cynigion a wneir o ran penodi darparwyr allanol gwasanaethau archwilio mewnol.</p>	
--	---	--

Formatted: English (United Kingdom)

Formatted: English (United Kingdom)

Formatted: English (United Kingdom)

Formatted: Indent: Left: 1.27 cm, No bullets or numbering

Formatted: Indent: Left: 0.63 cm, No bullets or numbering

	<p>18-20. Cymeradwyo'r Cynllun Archwilio Mewnol sy'n seiliedig ar risgiau gan gynnwys y gofynion o ran adnoddau archwilio mewnol, y dull o ddefnyddio ffynonellau eraill o sicrwydd ac unrhyw waith sydd ei angen i ddiwynnu ar y ffynonellau eraill hynny.</p> <p>19-21. Cymeradwyo newidiadau dros dro sylweddol i'r cynllun archwilio mewnol sy'n seiliedig ar risgiau a'r gofynion o ran adnoddau.</p> <p>20-22. Gwneud ymholiadau priodol i'r rheolwyr a'r pennaeth archwilio mewnol er mwyn penderfynu a oes unrhyw sgôp amhriodol neu gyfyngiadau o ran adnoddau.</p> <p>24-23. Ystyried adroddiadau gan y Pennaeth Archwilio Mewnol ar berfformiad archwilio mewnol yn ystod y flwyddyn, gan gynnwys perfformiad y darparwyr allanol o wasanaethau archwilio mewnol. Bydd y rhain yn cynnwys:</p> <ol style="list-style-type: none"> a. Y wybodaeth ddiweddaraf ar waith archwilio mewnol gan gynnwys y canfyddiadau allweddol, y materion sy'n peri pryder a'r camau gweithredu sydd ar waith o ganlyniad i waith archwilio mewnol. b. Adroddiadau rheolaidd ynglŷn â chanlyniadau'r Rhaglen Sicrhau Ansawdd a Gwella. c. Adroddiadau ynghylch achosion lle nad yw'r swyddogaeth archwilio mewnol yn cydymffurfio â Safonau Archwilio Mewnol y Sector Cyhoeddus a Nodyn Cymhwysio Llywodraeth Leol, gan ystyried a yw'r achosion o ddiffyg cydymffurfio yn ddigon arwyddocaol bod yn rhaid eu cynnwys yn y Datganiad Llywodraethu Blynyddol. <p>22-24. Ystyried adroddiad blynyddol y Pennaeth Archwilio Mewnol ynglŷn â'r canlynol:</p> <ol style="list-style-type: none"> a. Datganiad ynghylch y lefel cydymffurfio â Safonau Archwilio Mewnol y Sector Cyhoeddus a Nodyn Cymhwysio Llywodraeth Leol a chanlyniadau'r Rhaglen Sicrwydd Ansawdd a Gwella sy'n cefnogi'r datganiad - bydd y rhain 	
--	--	--

Formatted: Indent: Left: 0.63 cm, No bullets or numbering

	<p>yn dangos pa mor ddibynadwy yw casgliadau'r archwiliad mewnol.</p> <p>b. Barn ar ddigonolrwydd ac effeithiolrwydd fframwaith y cyngor ar gyfer llywodraethu, rheoli risgiau a rheolaeth, ynghyd â chrynodeb o'r gwaith sy'n cefnogi'r farn honno - bydd y rhain yn cynorthwyo'r pwyllgor wrth adolygu'r Datganiad Llywodraethu Blynyddol.</p> <p>23-25. Ystyried crynodebau o adroddiadau archwilio mewnol penodol yn ôl y gofyn.</p> <p>24-26. Derbyn adroddiadau sy'n amlinellu'r camau a gymerwyd lle mae'r Pennaeth Archwilio Mewnol wedi dod i'r casgliad bod y rheolwyr wedi derbyn lefel o risg a allai fod yn annerbyniol i'r awdurdod neu fod pryderon ynglŷn â'r cynnydd a wneir o ran rhoi'r camau gweithredu y cytunwyd iddynt ar waith.</p> <p>25-27. Cyfrannu at y rhaglen Sicrwydd Ansawdd a Gwella ac yn benodol, asesu ansawdd allanol yr archwilio mewnol sy'n digwydd o leiaf unwaith bob pum mlynedd.</p> <p>26-28. Ystyried adroddiad ynghylch effeithiolrwydd archwilio mewnol i gefnogi'r Datganiad Llywodraethu Blynyddol, pan fo Rheoliadau Cyfrifon ac Archwilio (Cymru) 2014 yn gwneud hynny'n ofynnol.</p> <p>27-29. Cefnogi trefniadau cyfathrebu effeithiol gyda'r pennaeth archwilio.</p> <p>28-30. Comisiynu gwaith gan Archwilwyr Mewnol</p> <p><u>Archwilio Allanol a Rheoleiddwyr</u></p> <p>29-31. Ystyried llythyr blynyddol yr archwilydd allanol, adroddiadau perthnasol, a'r adroddiad i'r rhai sy'n gyfrifol am lywodraethu.</p> <p>30-32. Ystyried adroddiadau penodol fel y cytunwyd gyda'r archwilydd allanol.</p> <p>31-33. Gwneud sylwadau am gwmpas a manylder y gwaith archwilio allanol a sicrhau ei fod yn cynnig gwerth am arian.</p> <p>32-34. Comisiynu gwaith gan Archwilwyr Allanol.</p> <p>33-35. Cyngori ac argymhell ynghylch effeithiolrwydd y berthynas rhwng</p>	
--	---	--

Formatted: Indent: Left: 0.63 cm, No bullets or numbering

Formatted: Indent: Left: 0.63 cm, No bullets or numbering

	<p>archwilwyr mewnol ac allanol ac asiantaethau arolygu neu gyrff perthnasol eraill.</p> <p><u>36.</u> Ystyried adroddiadau gan reoleiddwyr allanol (gan gynnwys y canlynol ond nid yn gyfyngedig iddynt: Swyddfa Archwilio Cymru, Ombwdsmon Gwasanaethau Cyhoeddus Cymru, y Swyddfa Gofrestru Gyffredinol, Arolygiaeth Safonau Gofal Cymru, Estyn).</p> <p><u>34-37.</u> <u>Ystyried unrhyw Adroddiad a ddaw i law oddi wrth yr Archwilydd Cyffredinol ynghyd ag ymateb drafft y Cyngor.</u></p> <p><u>Adroddiadau Ariannol</u></p> <p><u>35-38.</u> Adolygu'r datganiad cyfrifon blynyddol a'r adroddiadau cysylltiedig. Yn benodol, ystyried a yw'r polisiau cyfrifyddu priodol wedi eu dilyn ac a oes pryderon yn codi o'r datganiadau ariannol neu o'r archwiliad y mae angen eu dwyn at sylw'r Cyngor.</p> <p><u>36-39.</u> Ystyried adroddiad yr archwilydd allanol i'r rhai sy'n gyfrifol am lywodraethu ar faterion sy'n codi o'r archwiliad o'r cyfrifon.</p> <p><u>Trefniadau Atebolrwydd</u></p> <p><u>37-40.</u> Cyflwyno adroddiadau i'r rhai sy'n gyfrifol am lywodraethu ynglŷn â chanfyddiadau, casgliadau ac argymhellion y Pwyllgor Archwilio ynghylch digonolrwydd ac effeithiolrwydd eu llywodraethu, rheoli risgiau a fframweithiau rheoli mewnol; trefniadau adrodd ariannol, a swyddogaethau archwilio mewnol ac allanol.</p> <p><u>38-41.</u> Rhoi gwybod i'r cyngor llawn am berfformiad y Pwyllgor Archwilio o ran y cylch gorchwyl ac effeithiolrwydd y pwyllgor wrth gyflawni ei ddiben.</p> <p><u>39-42.</u> Cyhoeddi adroddiad blynyddol ar waith y Pwyllgor.</p> <p><u>Adroddiadau Perfformiad</u></p> <p><u>43.</u> Ystyried adroddiad am y gweithgareddau o ran canmoliaethau, cwynion a Rhyddid Gwybodaeth.</p> <p><u>40-44.</u> <u>Adolygu ac asesu gallu'r Cyngor i drin cwynion yn effeithiol.</u></p>	
--	--	--

Formatted: Indent: Left: 0.63 cm, No bullets or numbering

Formatted: Indent: Left: 0.63 cm, No bullets or numbering

Formatted: Indent: Left: 0.63 cm, No bullets or numbering

--	--	--

Atodiad 1(d) Dyfyniad o'r newidiadau drafft i Ran 3 y Cyfansoddiad gan
gynnwys newidiadau Mai 2022

RHAN 3
CYFRIFOLDEB DROS
SWYDDOGAETHAU'R CYNGOR

Pwyllgor	Swyddogaethau	Dirprwyo'r Swyddogaethau
Pwyllgor Llywodraethu ac Archwilio	Pwyllgor Llywodraethu ac Archwilio – Cylch Gorchwyl 2018	Dim
(x Aelod Lleyg a x Cyngorydd Sir – 1 o bob 3 yn aelodau lleyg)	<u>Llywodraethu a rheoli risgiau ...</u> 18. Ystyried yr Adroddiad ynghylch yr Asesiad o Berfformiad gan Banel ac ymateb drafft y Cyngor.	
	

Formatted: Font color: Red

Formatted: Font color: Red

Formatted: Font color: Red

Formatted: Font color: Red

Formatted: Font color: Red

Atodiad 1(e) Dyfyniad o'r newidiadau drafft i Ran 4B y Cyfansoddiad

Dogfen B

RHEOLAU GWEITHDREFN MYNEDIAD AT WYBODAETH



Awdur a gwasanaeth:
Dyddiad cymeradwyo'r Cyngor: 19 Mawrth 2019
Dyddiad cyhoeddi:
Dyddiad adolygu:

Cyfansoddiad Cyngor Sir Ceredigion - Rhan 4 Rheolau Gweithdrefn
RHAN 4 DOGFEN B Rheolau Gweithdrefn Mynediad at Wybodaeth
Diweddarwyd - Mai 2021

....

1. CWMPAS

Mae'r rheolau hyn yn berthnasol i holl gyfarfodydd y Cyngor, y Cabinet, y Pwyllgorau Trosolwg a Chraffu, y Pwyllgor Moeseg a Safonau, y Pwyllgor Rheoli Datblygu, y Pwyllgor [Llywodraethu ac](#) Archwilio, y Pwyllgor Trwyddedu a'r Pwyllgor Rhestr Fer ac unrhyw gyfarfodydd cyhoeddus eraill.

Formatted: Normal, Indent: Left: 0 cm, First line: 0 cm, Right: 0 cm, Space After: 8 pt, Line spacing: Multiple 1.08 li

Atodiad 1(f) Dyfyniad o'r newidiadau drafft i Ran 4F y Cyfansoddiad

Dogfen F

Y RHEOLIADAU ARIANNOL A'R GWEITHDREFNAU ARIANNOL CYSYLLTIEDIG



Prif Swyddog Cyllid: Stephen Johnson
Pwyllgor Archwilio: 17 Hydref 2017
Dyddiad a gymeradwywyd gan y Cyngor: 22 Mawrth 2018
Aseiad Effaith Integredig (Oes/Nac Oes):
Dyddiad cyhoeddi:
Dyddiad Adolygu'r Polisi:

...

Committees

Pwyllgor Llywodraethu ac Archwilio

Mae'r Pwyllgor Llywodraethu ac –Archwilio yn elfen allweddol o fframwaith llywodraethu'r Cyngor. Ei swyddogaeth yw darparu adnodd annibynnol o'r lefel uchaf i gefnogi trefniadau llywodraethu da a rheolaeth ariannol gyhoeddus gref.

.

...

Cyfrifoldebau'r Prif Swyddog Cyllid

- Sicrhau bod Siarter y gwasanaeth Archwilio Mewnol yn caniatáu i'r Adain wneud y canlynol:
- cael mynediad i unrhyw un o safleoedd neu dir y Cyngor ar unrhyw adeg resymol,
- cael mynediad at yr holl asedau, cofnodion, dogfennau, gohebiaeth a systemau rheoli sy'n ymwneud ag unrhyw un o drafodon ariannol neu drafodion eraill y Cyngor,
- gofyn am unrhyw wybodaeth ac eglurhad y tybir eu bod yn angenrheidiol ynghylch unrhyw fater y mae'n ei ystyried / archwilio gan dderbyn y wybodaeth honno,
- gofyn i unrhyw un o gyflogwyr y Cyngor gyfrif am arian, nwyddau neu unrhyw eiddo arall sydd yng ngofal y Cyngor,
- cael mynediad at gofnodion sy'n perthyn i drydydd partion, fel contractwyr neu asiantaethau partneriaethol yn unol â'r telerau contractiol perthnasol.
- Mae gan y Prif Archwilydd Mewnol fynediad uniongyrchol at Bennaeth y Gwasanaeth Cyflogedig, Cadeirydd y Pwyllgor Llywodraethu ac Archwilio, y Cabinet a'r Aelodau.
- Mae gofyn i'r Prif Archwilydd Mewnol roi barn archwilio flynyddol ynglŷn â sicrwydd, ac fe'i galluogir i wneud hynny.
- Sicrhau bod gweithdrefnau effeithiol ar waith i ymchwilio'n brydlon i unrhyw dwyll, afreoleidd-dra neu gamymddygiad a ddrwgdybir.

